

Jekabaara

Jamena



World Vision

Cikcia Cemai Ni a Musomanin Kupnaroniséen
a ba be kalo o kalo
Jamanan baaracata la bni 2045 Emanu (Mali)

Senekemisiw ladonko numan de be cikela nafa

ne 3 ni 4 nan

Dantigélikan

Politiki temesna juquw

An bejamana min kono, ibo ye Mali ve, ni siga te maa si la belen jamufanga toabole pumanku kunkon, i ko dan, a faamuyabaliya fana be ka dankari an ka adamadenya temesira coman na de. O dankari juqu laban kera Kitakaw bara, hñenendón, awinkolo tile 12, san 2004. O don sufe, kow bee juba bora kaseti koro do de lotemani na arajo Kayra te min tun be tali ke Kita depite Baba Umar Bore ka welekanw la, san 1997 kalafiliw jskero, walaşa Kitakaw ka bë i ko diden kuluw ka kalafiliw ke Adema politikoton ye. An dun be don min no i ko bi, Baba Umar Bore te Ademo tonden ye belen, barisa anb ka joma ye ton were sagere ka bi, ka tuo politikoton were ma, ibo ye URD ye.

Arajo Kayra nemaaw ka fo la, kaseti lotemene in tun be tali ke Baba Umar Bore ka lahidu talenw de kan, a ma minnu ja.

Depitew ka segesegeljekulu ka fo la, a be tali ke Adema ka baara waleyalenw de la san 1992 ni 1997 ni neçen te.

A kera cogo o cogo, an ka kan ka dan sa ko maa si ka nafa te tasuma pagali gungurun cero ani ka tulu ko kan. Aw ma ye, kaseti loteme in kelolo bonvara kosebe Kita, barisa a ye Kitakaw dusu dimihodji fo k'u bila wulikoju juquw la, minau sente, u ye Kita polosiso ci kb Jensen ka konofenw ka kakantew ye. U ma don o fana ma, u taora Baba Umar Bore fana ka du ci, ka faraketebo. Nin walejiguw in kun ye inu ye ? Kunnafoni jensenko lhalaw !

Nan dun ye jatemine ke, on be th soro ko dije kono, ko bee te fata ye. Adamadenw celabenni de ko kon kajini fen bee sanfe. An ka kuma lapini ka jötigri ja yan ani ka jalakitigi jalaki, barisa an te bera kalamu a ko la folo, nka an ka la jini ye de ka jira jamanadenw la ko adamadenya de ko kan ka jo soro fen bee sanfe an bora yan. No kera, an te dankari negeñ bolotew ni negeñ danbesiraw la. Nka o wale sinsinbagaw ntñloma ye kumnañdilaw de ye. Auw miñmu be kumnañtoni seben, am onw minnu be kumnañtoni krangosow la, an ka dan kauwde bora Mali jamanadenw la, ka man kan ne si ma, kun si kan ma, an ka jamanadenw dusu lemin ka tuo negeñtipe ma. Maad be fo neñmuju la ka soro i m'dabara je ; maad be nesore ke politiki la, ka soro i ma jamanadenw këdon negeñma.

Tuman Yalam Sidibe



Sigida te lakana a kññomaaw ko

ne 4 nan

Kunnafoni gelen

Musomanin do karøgelyafagara Narena


Ntolatan sariya tan ni wolonwula

ne 11 nan

"Kalan be moçca son ççow la, nka kunnafoni be moçca bë kuopan na" Yoro Ulen Sidibe

An ka an jɔyɔrɔ fa .

Kalo salen boko kono, ne kuman a ye meriw jɔyɔrɔ kan an ka sigidaw kono. Kalafili minnu tun bolodalen k'u bila mekalo in tile 23 kan an ka sigidaw meriw sugandili



Hamidou Konate

kanma, olu bora u dɔgɔkɔrɔ ni kunjɔgɔn kelen kuntaala ye, ka u boloda ko kura mekalo kelen in tile 30 kanma. O ye nisəndiyako ye, barisa a be ke sababu ye ka galabu kura don an ka politikitɔnw ni an ka sigidaw labenda tɔw bɛe senkɔrɔ, walasa ka maa jɛna maw jenatɔmɔ ani k'u dantige jɛmaaya ninini kanma. Nka, o ni a ta bɛe, waati bɔli a dɔgɔkɔrɔ min kelen file, O nafabo sɔrɔbaga ye sigida kono mɔgɔw yere de ye. A be a to olu be u

**An
ka
jekabaara
kalan**

laben a jɛma walasa ka maaw jini ka u dɔn haali, u be a kalafili ke minnu ye. N kɔni be min fɔ kɔnɔnanjeya bilasiralikan siratege la, o de ye ko « maawerɛdeme jɛna cogo o cogo, yerɛdeme de jɔgɔn te . An dun mana maa ladiriw sugandi, o de ye an yere demeni ye, barisa ni o jɛmaa kuraw kera baarakela ye sigida kono, an bee be bɔ o de nunma. O kanma an ka a ko ke an kunnako ye, ka sorɔ an ka wulikajɔ tɛna ke foyi were nɔ fe sigida ka bɔnɔgɔla lajini kɔ. Aw ma a ye, politiki dɔnbaa janaw ka kuma don dɛ : « ni maa min ye kalafili karisa ye a bolofɛn nɔfɛ, o ye baaraden ni baaratigi de ka lahala ye, nka ni maa min ye kalafili ke karisa ye a ka ladiriya kanma, o de be baara ke i sako la sigida kono, a ka fanga waati bɛe kono, barisa hɔrɔnya ni ladiriya be jɔgɔn sɔrɔ ale de la. O kanma, a be to ale de hakili la waati bɛe ko : ni sigida y'i sankɔrɔta, i man kan ka bɔ a jigi kɔrɔ » ! Ni an kelen kelen bɛe ye nin to an hakili la an ka sigidaw bɛ yiriwa barisa nata jugu si tɛna a to an ka kala fili maa lankolonw ye an ka sigidaw kolatigedaw jɛmaaya kanma, hali ni a ye a sɔrɔ u ye te ni sukaro ani tiriko bonow (jigine) de jo an tafani fe.

**Hamidou Konate
Jamana baarada jɛmaa**

Hakilisenekene

Ni maya ye hakili ye, maasebeya de jɔgɔn te. Nka macolankolonya ye baasi ye adamadenya kono. Maaya taabolow de dun ye o fen fili ye. O kanma, an ka a ke ni hakili ye.

Jekabaara bo 225


Mɔgɔ ni fɛmɔgɔ

Misi be joli to a wolo la
Ka nɔnɔkene bɔ o wolo kelen
o la.
Nka maa,
Bunaadamen kɔni,
Ale de bɔ jinw jɛman jira i la,
Ka u sigilen to fin mɔnimɔni kan
Aw ma a ye,
Djɛ ye
Maqnumanso ani maajuguso de
ye,
Ni maaninkelen
Benna o so min ma
A ka sigidiya ni a ka sigigoya
Ju be bɔ yen de.
Dɔnkilidalaw ye a fɔ dɛ :
« Bi ma ji » !
Hali ni yɔrɔ bɛe kɔni tijenɛn te bi
jejuguw.
Kɔni be setigiya la jejunanw
kan yɔrɔ caman na bi.
Mun dun tora ?
An ka an yere dɔn
Ani ka a dɔn an ni min ka kan
Ni o kera an be ke an yere ye
Ka sɔrɔ an ma dɔnkari
adamadenya la.
Mɔgɔ ni fɛmɔgɔ.
O te dɔwɛre ye
Maa Yerɛkun ni i hakili kɔ de
Sɔnbaga juman
Were te maa la i yere kɔ de !

Tumani Yalam Sidibe



Fenjenamafaganw dilan izini lajeli taama



Usumani N Tarawele

Kodewari fenjenamafaganw dilan baarada min be wele ko "Hidorosemu", o ye CMDT wele ka taama ke ka taa a baarakéngonw ka iziniw laje Banisirayila (Isirayeli) jamana kono. CMDT maajemaa fila de ye a taama ke. O maajemaa fila ye Usumani N. Tarawele ye, ni o ye CMDT kalan baarada jemaa ye, ani Sajo Sisoko, ni o ye Wurusili bo-

lofarabaarada jemaa ye CMDT kono. Olu ka taama in kera san 2004 marisikalo la.

Banisirayila jamana kono, taamaden fila ninnu bisimilara "Makitesimu Agan" jekulu de fe. O baarada ye dije fenjenamafaganw dilan iziniba do la kelen ye. A ka iziniw sigilen don sahelikungo kono. Kilometere 105 de be a ni Teli Awuwu ce, ni o ye Bansiriyalila faaba ye. A sigilen be o dugu ni kejeka ce. Ji min be izini ninnu labaara o be ta ka bø kilometere 400 ni kø de la, Tiberiya dala kono. O dala dalen be Banisirayila jamana worodugu fe. "Makitesimu Agan" iziniw ka fura filannenw cogoya ka ca. Nka, an be se ka kuma ninnu kan :

- "kulori"
- Andosilifan" (bagaji)
- "Co2" (gazi kariboniki)ni o be

ke ka minfen gazimaw dilan

- Fenjenamafaganw
- Adamadenw farikololabanaw furaw lakefenw... ani caman.werew.

Makesimu Agan iziniw ka fura dilannen fanba, % 90, be labø ka feere dije jamana 200 de kono (Eropu ; Afiriki ; Ameriki ani Azi). Izini ninnu ka furadilannenw be feere Mali kono, Kodewari jamana baarada do de ka sira fe, ni o ye sisemu ye. O de ye Makesimu Agan jenøgen baarada ye Afiriki tilebiyanfan jamanaw kono.

Izini ninnu ni adamaden sigidaw ce ka jan kosebe (o surunyalenba ye kilometere 20 ye). O kækun ye adamadenw ni lakana de ye.

**Usumani N. Tarawele
CMDT kalanko baarada
jemaa Bamako**

Senekemisiw ladonko juman de be ci kela nafa

1 - Ladonni ye munfen ye ?

Ladonni ye senekemisiw baloko juman ni u furakeliko juman taabolo de ye, tilemfe walasa ka u laben samijne baarakcogo juman kanma.

2 - Ladonni in be ke cogodi ?

A be ke nin taabolow de fe :

- Ka balo nafamaw caya baganw ka don dumuni na.

- Ka baganw dalakuru were kono sufe, no ye senekemisiw ye, ka u ni misi tow boøøgøn kan.

- Ka baganw dalañkuru were kono sufe, no ye senekemisiw ye, ka u ni misi tow boøøgøn kan.

3. Senekemisiw ladonni be ke waati jumen ?

Binw ka ca waati minnu na, ani jøkalaw

Ni olu desera waati min, ka bin lamaralenw ni turuto ani bagandu-



Bagan be a ladonbaga nafa

muniw ke ka u ladumuni.

A ka ca a la, o waati be ben feburuyekalo damine ma.

4. Baganladon in kuntaala

Balo ninnu, bin lamaralenw ani turuto, ka kan ka kalo 4 soro senekemisiw ladumunini na : ka a

ta feburuyakalo tile 15 ka se zuwenkalo tile 15 ma.

5 - Senekemisiw be labalo cogodi ?

Walasa senekemisiw ka i nafa a jemaa, i ka kan ka u labalo ka je. O siratège la, i be jatemine ke balo nafamako la, ani baganw ka jiko.

6 - Balo nafaw :

Balo bee be farijolan ni galabu kenyea ani ka ji ni køøøgø lase baganw ma.

Farijolandibalow be yen minnu be baganw farikolo lajo, ka u bari-ka ani ka a to u ka baara jenamaw ke. O misaliw ye : malojagaw ni kabakalaw ye.

Balow be yen minnu be farikolo kenyea kosebe. Olu wajibiyalen don ka soro walasa ka farikolo semø don, ka a tøøø, ani ka nøøø caman soro a la. O misaliw ye : tigabulu ;

A to be je 4 nan kan

pe 3 dan to

tubabusō bulu ; kōrikolo ; turuto ; baganbalo.

Balow be yen minnu be kōga caman don baganw farikolo la. O misaliw ye bagankōgō nemuta ye ;

Balow be yen minnu be witamini caman di. O misaliw ye : bin nerunw ; jiridenw.

Kōgōw ni witaminiw jōyōrōba be baganw ladonni na, barisa olu de be dumuni nege don baganw la ani ka u to kēnya la.

7 - Baganw makonabalow :

Baganw mako be dumuni na walasa ka balo.

O balow be sōrō nin cogo la :

Ladonnibalow : O ye balo hake de ye bagan kelen ka kan ka min dun walasa ka balo ka sōrō a ma pasa walima ka bonya.

Sōrō lapinibalow : o ye balodafabalo hake de ye min ka kan ka di baganw ma walasa u ka sōgo caman sōrō ani nōnō caman, ka fara baara fanga kan.

O balo suguyaw be yelēma yelēma ka da baganw cogoya kan, ani lapini minnu be an ka baganw tōnōbō kan.

Baganw lamēko juman balow : Baganden mako be balo la walasa ka balo. Nka a mako be balodafabalo la fana walasa ka bonya ani ka kunbaya joona.

Balo nafamaw be sōrō nin balo kofolenw bee de doncogo la jōgōn na, ka ben bagan cogoya ma.

Misali : Ntura min girinya be taa kilo 250 la, ni a be waati 6 baara tile kōnō, o makow be "U F" hake minnu na, cikelakōlidenw be se ka olu jōfōaw ye sigidaw kōnō, ka fara "U F" yērē kōrō kan, baganw ka baloko la.

Fen min ye sēnekēmisiw ka baloko jēsīgiw ye binko ani jōkalakow la, lakōlidenw be se ka olu fana hakew ni u lasagoncogow jōfōaw ye, fo ka taa se u nafaw ma baganw ka baloko ma.

O kanma, aw ye aw madon

lakōlidenw na. Nka, an be jemukan in kunce ni lafamuyali kelen ye. Walasa ka kalo 5 balo jēsīgi, cikela ka kan ka nin balow hakew de di a bagan kelen ma tīle o tīle.

Baganbalo kilo 2,5

Kabakala kilo 7

Sōkala kilo 3.

Ka fara bagan baloko juman kan, cikela ka kan ka faamuya pini bagandēgōtōrō fe walasa ka a ka baganw ka kēnya sabati nin siraw fe :

ka farikolo kan nkōbōninw ni farikolo kōnō fēnjenamaniw dōn ka u kele.

Ka bagan furaké

Ka baganw ka sōgoli kē... O nā jōgōn.

Adama Trawele

Cikelaw lafaamuyali n'u bilasirali baarabolofara jēmaa :

CMDT

Bayelemabaa : Tumani

Yalam Sidibe

Sigida te lakana a kōnōmaaw ko "N'i ye hake mēnnēn ye, a taalen don berekēnē tīgē la"

In'a fō an y'a fō aw ye cogo min lan ka awirikalo boko kōnō, ko aw be Madi T. Jalo ka bataki cīlen kōnōkuma laban sōrō an ka bōkō nata kōnō, o tuma, ale de file min ye.

Sibiridon, zanwuyekalo tile 3, san 2004, Makōnōkaw ye binkan-nikela dō mine.

Cē in ka baara tun ye mun ye ?

Sanga ni waati bee, a tun be taa sira da jagokelaw jē, minnu be taa minenw ta Lagine jamana kōnō ka na olu feere Mali kōnō. Walasa maaw kana kōrō dōn cē in ka wale jugu la, a tun bee feere jumen kē ?

Zandaramaw ka fini kōrō dōw tun bōlō, a tun be to kō don kā yere kē i nā fō zandarama. Ni maa min tun y'a ye, n'i ka jatemiñē ma bonya kōsebē, i tā dōn ko zandarama te abada.

Sabu, hali marifa min be ye olu bolo u ka baara kama, a tun ye o jōgōn manalama dilan kō kā marifa jōyōrō ye, a be maaw bagaga ni min ye. O tuma ne Madi T. Jalo be wele bila an ka jamana lakanabagaw ma, (zandaramaw, polisiw, garadiw, duga jēw n'a jōgōnnaw) u k'u jija k'u ka fini kōrōw dili dabila maaw ma. Nōntē, a be degunba lase anw togodala-maaw ma.

Sabu anw te fini ninnu dōn ka bō jōgōn na.

Kōlosili : An be aw ladōnniya ko Madi T. Jalo ma bugunnatige foyi di an ma cē in kan, i nā fō a tōgō nā jamu ani a bōyōrō.

Madi T. Jalo

Sebenni taabolo juman

Jēkabaara jēmaayaso ko a bājini Jēkabaara kanubagaw n'a kalanbagaw ani batakicilaw fē, ni u be kunnafoni fen o fen seben ka ci, u k'u jija ka a kunnafoni bee walān walān.

Nō Kera, a kunnafoni lasecogo be jē. Nōntē, nā sera anw ma cogo dō la, anw be kōnōnafili a laben cogo la.

Misali : Ni maa min bā fē ka sebenni kē laje dō kan min kera u ka dugu la, i be temē nin sira minnu fē : laje kun, a jēmaaya tun be maa min bolo, dugu hake minnu tun be a kene kan, nā y'a sōrō demejekulu dō y'a laje nafolo bō, o tōgō nō ka baara jēsinnen be min ma sigida la, olu n'u jōgōnnaw.

Yusufu Fane

Jiriba suma

Ne balima jekabaara kalanbagaw, n be nin jemukan in jesin aw ma bi walasa kaw hakililajigin ko koro daw la. An ka don ko ni faso Mali be hers la bi a ka yere mahoronya kono, don gelenw de temena an benyaw



Adama Nofulo
Kulibali

ye segen ni busanda ani tao re kun waati min na de. O dun kera anw de nofe. N bema kuma fen min kan bi o kera tubatile waati gelenw kono. Nin kera waati min na, o ya soro "gonsonsuma" de be senna.

Gongon de tun be bila dugu du kelen kelen bee kono jötigewaati. Awa bee tun bi ta lafa, ka bila soketigi-fugulabilentigi ne, no ye garadike ye. Ayiwa, ni jo tun te gatigi min bolo, e tun ta fila ni cétige dere ! I tun be mine i ka denbaya cew na musow jena, ani faden tow jena, dugu kono, k'i bolo fila n'i sen fila siri i fari lankolon bolen ko ka dan to npoginin ye i woro fila ni jøgøn ce, k'i lajaba tile koro, dugu ferekene kan. O de tun be wele o waati mogow fe ko dugubila maloya, barisa maa lajabalen caman tun be taali fisaya ni dugukønøsigi ye fadenw cerø.

Nin don in na fugulabilentigi sera dugu do de kono bamaanna. A tun kun dalen be fipentøke do ka du kan. O ye yerejini damine, barisa tafen-bilafen tun ta bolo a ka du kono. Maa min dun ka denbaya ba ka dumunibaliya tile sabanan na, n'i kb ma kb ka gongonuma bo (a be jate jo kilo 120 na bi), aa i ye dali de kb tigi ye ka sunøgo bali a la de !

Sanni fugulabilentigi ka se fipentøke ka du kono, a ye kurubo ke ka don a dancebødu do kono følo. Daga wulila yen ka sonkala nematunnen to ! Fipentøke yo mankan de men ka siran na yere kunko ye. Ale yerejinibagato girinna k'i kun da kogo do kan k'a bo yalon ka t'a nemadogon sanni fugulabilentigi ka teme. Aaa ! kara ya soro yen de, barisa ale ye kogomin ta, o fan do yale binto ye a dancebødu kono, fugulabilentigi yere senkoro. O ya mine k'a bolo fila ke sirifenw ya k'o, k'i kanto a ma ko :

Aa i nana i yere di n ma de hali ni ne yere tun tøna dese i bara ma !

Fipentøke ya jaabi ko :

Ne fa ni n ba make, a don ko ntinønin yerejinito de ba lase saalen da de !

Fugulabilentigi yelela. O balara dugumøgøw bee la barisa maa si tun ma deli ka dayelelen ye følo here kan. Nk'a da diyara fipentøke la barisa a yo labila. O fana bilara

dugumøgøw la, barisa o tun ya sije følo ye ü ka hine dalen ye fugulabilentigi dusu la.

An te se ka jemukan in kunce ka soro an ma taasibila ke ka jesin lawale mogøba saba ma : minnu kelen kelen bee y'u jøyøro fa dinøsosigi la ka taa k'u tøgo numan to u k'o :

A følo ye Kantara Sisoko ye : Ale de kera Maliden ye 1942 waati la ka sisikurun boli. A faatura san 1946 sisikurun ka binni senfe. A kaburu be Kita laminiw la. Maaw ka fo la, ni teren temeto tun sera Kantara Sisoko kaburu dafe tuma o tuma, a tun be sukasi ke.

A filanan ye Lamini Trawele ye : Ale følo de ye tøgo soro mobili kareba bolili la Mali kono. Ale de ya tøgo to Mali denmisøn da, kerønkerønneya la, Bamako denmisøn san 1963 waati la, irisiv ka kareba minnu donna Bamako, Lamini tun bølu bolicogo døn haali. N'i tun ya men denmisøn da dørøn ko : "Lamini ba ka kare" dønkili o tun bøle de majamu.

A sabanan ye Bakari Samake ye, ko nunsi : Ale fana tøgo børa faama lakana motoba bolili la kosebe an ka jamana kono.

Nan ma fili, a somayelema san 1967 fasobaara keko numan kofe.

An k'u ke misali ye.

**Adama Nofulo Kulibali
Ka bo Fansira (Kati kubeda)
N'a sigilen be Jlamana (Segusira
kan) o ni Tumani Yalam Sidibe**

Senefenw bayelemali ye kojugu ye.

I na fo an ya fo jekabaara ka Awirilikalo bøko kono cogo min na aw ye, nin yøro in na na an bema jemukan in lase aw mal balawuko kan, min yangalen be dije Senekølaw, ni a baganmaralaw bee kunna bi, no ye fenw siw bayelemali ye, k'u don jøgøn na, walasa ka si kura were soro. O de be wele ko « OGM » (Ozemu). A ka ca

la, jininikela jugu ninnu ka baara taabolo be se ka se senefen bee ma, i na fo køori ; tiga ; fini ; bene ... A ko be se ka don hali baganw ni jikønjøgegew fana kadara kono.

Nan dun ye jatemine ke, an be ta soro ko foyi ma ni fen were la, a dabolo lakika ko Ala fe. N'i ko i be bayelemali don o la, o te se ka bange fen were la kasaara ko, min be dije

bee jøgan. An koni be Ala deli, a kana an ka jamana kun don nin da-jugu in fe.

Yali « OGM » ka ko be cogo di Mali kono.

Bamananw ba fo ko « banakunben kafisa banafuraké ye ». Hali ni bolodayøro pereperelatigelen tan

Atø be je 12nan kan

Fasoko taabolo : Fasokanu ni ladamu

N'i sera dijé jamana kelen o kelen kóno, koba kelen de b'i kumine. O ye fasoko ni fasokanu ye jamanaden bée nén kan. Nka, walasa i k'o tinetigi ná nkalontigi jateminé ka bó négónna, i bé jamanadenw kewale de laje.

Dennikela köréba dō ka kuma don, n'o ye Montésikiye ye, ka bó Faransi jamana kóno, a ko : "N'i bá fe ka fasodenjugu ni fasodenju man dón ka bó négón na, fen kelenpe de b'i ye k'o ké : fasodenw ka ladamu ka jésin faso kóno sariya taa fan ma.

Barisa, n'i y'a jateminé, i bé t'a soro ko ni soriya kéra ba tan ye jamana kóno, a bée sinsinnen don dankaribaliya de la ka jésin mögo were ka hakew ma".



Fasokanu ni ladamu jujón ye sigidakani ye.

Nan ye Montésikiye ka nin kuma in file filefen juman na ani ká sangha an lamine jamana dō taabolo ma, an bá tijé ye kème kan. Jaa, ni nafolomugu cayara jamana kóno cogo o cogo, n'a baju té jamanaden ka ladamu ye, a mien o mien, o jamana bé ceci don dō. Aw m'a ye, ladamukó juman dörönpe de bá to jamanaden bá dón ko jamana té dörère ye kaaratabugu kó, benbaliya bé se ká tó boda caman bé sora min fan bée fe ka ben ja-

manaden kelen kelen bée taasira ma. Aw ká mafile banni. Afriki jamana fanba ka yeremahorón tali te san kème bó félé. Nka, jamana joli bù cérè bi, minnu dara bolo jugu kan kó sababu ké fadenya kalantan ye ?

Yali u kónomogow tun ma faamu de wa ko : "Ni ta bérerbéré bë adamaden bolo, o té dörère ye a faso jamana dörén ko. Nénte, jamana wérè kóno, a sankoré tara cogo o cogo, fijenmayorónin bë ye a ka ko taabolo la, barisa, i n'a fo Kódowari cékoréba yá fo cogo min, n'o ye Felikisi Hufuyeti Buwaji ye, a bë min ke nparabékan na tuma bée : "jaa déré, hali kogo kurunni kelen té e maa min bolo i faso la, i bë na yere danbeti jétfadéenw sigi

négón kan anw bara yan.

A to, an bá kan ta ye don dō, k'i bolo lankolon késigin i faso la ina fo i bololankolon nana anw bara cogo min !

Fasokanu té jésoré ladamukó. O ladamu de bá to fasoden bée bá dón ko faso de négón té. Ni maa o maa tigera a faso la kó sababu ké kun o kun ye, i maloyabagato de b'i késigin ka ná ma don dō walima i denw. Fen té faso bá déré !

Tumani Yalam Sidibe

U ko...

An ka dijé ka i ná fo an tena bá a kóno abada. O dörönpe de ye saya fura ye, barisa a bá to an be saya jésigi ni balo banbalí lahala ye. O dun fana té kabán fen wére la balo banbalí kó, hali ni o bá tali ké kewale de la.

Mamutu Bengali
Ka bá Jéna (Sikasso)

Muso ye sonnayelen soro cogo o cogo, a danbe sigidilan ye furuso de ye. O de bá ale yere saramaya, ká denw danbetigiya ani ká faso ke sigida du sankoré talenw sanfe.

Bintu Sidibe
Birigo nearamuso (Kita)

Ala ye maa min yoro file, n'i ko i ne ta da o kan, e de nré bá ci, nénte dijémaaw bá a figi ye a ka saramaya kóno. Ni yá men juguw ve n'da bolo jugu kan, i k'a dón Ala de ma dayoro numan di i ma. Ala ye maa min sonnayelen, jugu té se ko lajigin.

Dawuda Danbele
Denso maanabola (Bamako)

Djésosigi yere de ye ko bës boju ye, barisa fen bée ye tijé ye ale de kóno. Ni arijana ni jahanama té sora dijé kóno, u bá kofé dijé de kóno fo k'u tijé tigiyá, k'u dankanemaya adamadenw bolo, fo u té se ka ko barikama were jésoré belen arijana ni jahanama latigesiraw kó !

Modibo Sanogo
Arajo "Benkan" la pagalikela da
(Bamako)

Donsomusoya ye koba ye, barisa dönsomusow de bë sogo faga so kóno, dönsow ka soro ka id tó lase kungo kóno.

Sanbunin Jakite
Donsogénifola (Kita)


Hali n'i buranke ma se ka fen d'i ma, i ta min bá bolo, ná yo ladon kopuma o negón té !

Papa Komara
Arajo Jekafa (Bamako)

Sinsa ye banajugu ye, min be furake

Kabi lawale la, sinsabana tun klakodønnen be an benbow fe. Awa, kun caman tun bø sørøli la u bolo. U caman tun be bana in sørøsira kologirin ke nejini de ye. A

nabaatø ka yerekøløsi be a baga faga haali. Kø døn bana in tanamafønw ye mun ni mun ye ani ka i yere tanga olu ma. Awa, ni bana in godon waatiw sera (kirizi) ka



Jaman jelen de be se ka fura sørø bana bee la, hali sinsabana

døw fana tun be a bila donnkønø ka bolo kan. A ma meen yere, an ni jijeni cekørøba dø ka masala senfe, o ye a jira an na ko bana in sabu be tere de la : soføn døw ani kungofen døw. Welesebugu kubeda muso do ye a fø an ye fana ko sisanbana ye funteni bøda bana de ye, møgø be min sørø kungofenjuguw masiba fe.

Nka, døgøtørow ka fø la, sinsabana ni bana tøw bee ye kelen ye. A fana be sørø banakise de fe, min be møgø farikolo lasørø sira dø fe. I na fø søgøsøgøninje, sisanbana be tali ke fogonfogonbanaw la. Ale dønføn barikama ye søgøsøgø geløn, ni kaari namanmatu ani ninakili degunni ye.

Walasa ka faamuya jønjøn sørø sisanbana kan, an sera døgøtørow Burama Samake ma Majanbugu, nø ye Bamako kin dø ye. Samakeke ka fø la, Sisanbana te tøjetabana ye i na a fø møgø caman be a miiri cogo min, kø be den lasørø fa walima ba ka sira fe. Awa, fen min ye sisanbana furakeli ye, o be ke, hali ni a be waati kuntcajan ta. Nka ba-

køneyatigilamaaw ka bilasirali kanw labato. Sisanbanabaatø man kan ka i jan bø a yere kø waati si la. A be i na a fø tønsønbana, min be se ka godon waati bee. Nkø sørø ban-

abaatø be køneyatigilamaaw ka bolo kan, walima a madafura be a bolokørø.

Fen min ye sisanbana sørøsiraw ye, jininiw ma pereperelatige jønjønw di o kan, nka a yera køni ko a ka ca ka maaw de mine minnu be u dusukunw sègen ni sègenjuguw ye, i na a fø siraw (a sisi samantaw ni a mugu dalakøtaw), fo ka se dølew ma.

Sisanbanatø ni ladonni berema ka kan ani waati bee lakøløsili. Sisanbanatø be se ka dijenatige daamu bee ke. Nkø kø sørø a ye a ka bana tanamafønw døn, kø jini k'i yørø janya u la. O tanamafønw ka ca. A døw ta be se ka ke gangan ye ; døw ta ye funteni walima nønewaati kow ye. Døw yere ta ye sisi ye. A kera cogo o cogo, sisanbanatø kelen kelen bee køni be a ka bana tanaw døn. Nka, a ka kan ka min fana faamu, o de ye kø yere tangacogo a ka bana tanaw ma, kø de be a si kuntaala janya walima kø surunya.

Ala ka køneya sabati an bee ye.

Tumani Yalam Sidibe

Sangalaci

Jamana baarada nømaaya-so ka fura a baarakelaw bee kan, Jøkabaara kunnafonisøben tigilamaaw bee, an bee dusutoorølen de ye a men kø an bamuso madamu Dolo Adama Laya Wølegemu, nø tun ye tinminømus o døgøtørow ye, kø faatura ntenendon, san 2004 awiri likalo tile 12, pønze døgøtørow soba la Bamako, kø si to san 66 la.

Madamu Dolo Adama Laya

Wølegemu, ye an baarakenøgon ba de ye, nø ye Ali Dolo ye, ale ye jamana baarada minensankow baarabolo nømaa de ye Madamu Dolo Adama Laya Wølegemu janaja kera, taratadon, san 2004 awirili kalo tile 13 a furuke baro, hamudalayi kin na, Bamako, bølønda nømø 54, du nømø 704.

Ala ka hine a la, ka limaniya fana jødi a kømøgøw kan.

Ka bə Marakatintin

Samiñe taabolo jenā anw fe yan, san 2003 la. Kabini mēkalo la, an ye nēgō caman cē ka kē forow la, ka samiñe jēsigi. An ye sanji sōrō joona, barisa sanjiba dō nana



Malamini Jiyawo

mēkalo tile 31. O ye a to an ye sañō dannike ka ben san 2003 zuwenkalo tile 1 ma. Fo ka taa se əkutəburukalo tile 14 ma, sanjiko geleya ma an sōrō Marakatintin.

An ye jētige damine san 2003 əkotəburukalo tile 20 na, ka ben ntēnendōn ma. Jētige banna nowanburu kalo tile 30.

Ni jētige daminenā ka ban, baganw bē bō samiñekeyōrōw la ka na so. U bē na balo jēkalaw la so. O waati la, baganw bē tijenī caman

ke. Barisa, o waati la, ni forotigi yēre ka jija tē, baganw bē a ka forokōñefenw bēe dun. O waati bē a sōrō kenew ma bē kosebē. Baganw dun ka ca. Wajibi, u bē forokōñefenw dun. Baganw bē suma minnu tijē, olu ye : sañō, kēnke, tiga ani so ye.

Jētige baara kecogo

Ni jētige bēna damine, an bē an ka wotorow laben jōce kanma. Dōw bē kalosōri kuraw don u ka wotorow la, dōw bē bin kan kōdēfen, kō don u ka wotorow la. O mana ban sa, an bē taa ni wotoro ye kungo kōnō, ani bēnēwariw ni segi ye. Ni jō min tigerā, o bē kē segi walima bēnēwari kōnō. O ma na fa, a bē yelēma wotoro kōnō. Ni wotoro fara, o fa bē taa kē gente la. O ye jēgosiyōrō ye. Baara bē kē nin cogo in na fo ka taa jētige ban. Ni jētige banna, jēgosi bē kē.

Jēgosi kecogo

Jēgosi bē kē ni masin ani mobiliye. Ni jēgosi bē kē, forotigi ni mobilitigi de bē na jō koloma terēmē. Nka geleya donna jēgosiko la jinan kō sababu kē jō sanda binni ye. San tōw la, jō kilo kelen sōngotun bē se dōrōmē 15 fo 17 ma (jēkise), walima, nā tun jiginna, o tun ye dōrōmē 13 ye. Nka, jinan,

jēkise kilo 1 sanda cayalen ye dōrōmē 5 fo dōrōmē 7 ye. O ye jōgosisara caya jēkise ta ma, bari, mobilitigiw fana bē jatemine ke gazuwalī sōngō la. O litiri 1 sōngō ye dōrōmē 75 ye. O kēra geleya ye an kan jinan.

Salon, dōw ka jō gosira bōrē 1 ani bējuwari jē 2. Jlinan, o jōw gosira fo bōrē 2 ani bējuwari tilance. Ni jēgosi kēra, dugu mu-sow bēe bē ka taa jō suuru jēgōnfe. Jē suuruli mana ban, jētigimuso bē mēgō dō bila ka na a fō jētigi ye ko musow tilara jōsuuru la. Ni o kēra, jētigi bē dugu kamalenw wele ka taa jō jagabō, walima kā suma. O sumani bē kē ni segi ye. O segi dōw fa bē kilo 60 bō. Jētigi dōw bē se ka o segi jē 210 ; jē 120 ; jē 80 walima jē 50 kē.

O mana ban, jēkise bē kē wotorow kōnō walima bōrew, ka na a kē bondow kōnō, walima jiginew.

Jēkise kilo hake dō bē di jōsuurumusow ma, min bē taa se segi jē ; 4 walima, segi jē 6 ; walima jē 2 ma. Olu bō tila u ni jēgōn ce.

Nin ye sañō baaracogo ye anw bara Marakatintin.

Malamini Jiyawo

**Balikukalankaramōgō
Ka bō Marakatintin jiyawo
wērē la**

Kēlōsili : N bē ka malosene kun-nafoni laben. Ni Ala sōnna, aw bē o sōrō a te meen

Ka bō Joro

N bē nin bataki ci jamana baara-da jēmēgō ma kū ladōnni n ka kibaruyaw la. Fen min ye gafe kunkan kibaruyaw ye, n bē aw ladōnni ko masa ala ka latige la, anw ye gafe kelen ani manden buruju gafe fila ye. O danatige kēra Badiri Trawele ye, nō ye Ofisi-iri

baarakela ye joro.

Hali bi, n bē segin jēkabaara sanbagaw ka hakilinanw kan, nō y'u ka lajiniw ye. U bē a jini aw fe aw ka politiki ni farikolo jēnajē kibaruyaw lase ka caya jēkabaara kōnō : Mali kōnōtaw ni dījē fan tōw taw. A ka kuma jamana tarikuw

fana kan. Mēgō caman ye nin la-jiniw de kē an ye, ko kā lase aw ma. Ne bē a jini aw fe aw ka gafe feeren ninnu dōw lase n ma :

Kafojēgōnya 1

Manden bjuruju 1

N bē aw fo ani aw baarakē-jēgōnw bēe.

**Basiri Tatinango
Zafu don ka bō Joro.**

Ka bɔ Murugula

Ne be nin bataki ci Jekabaara Kunnafoniseben ma, walasa ka n ka nisəndiya jira Kunnafoni sɔrɔko puman taabolo kan an fe yan. Ne ye jekabaara sɔrɔko fɔlɔ ke n kanimɛke de bolo fe, n'o ye Menkɔrɔ Bugari Sidibe ye. O ye marisikalo nimɔrɔ de ye, san 2004. Ne ye Kunnafoni nafama caman sɔrɔ a kɔnɔ kɔɔrikɔ ani sigida taabolo ani fen caman were kan, i n'i fɔ farikolo keneya. Menkɔrɔ de sɔrɔla kā fɔ n'ye sa ko jekabaara be sɔrɔ waati bɛe Karimu Kamara ka gafefereyɔrɔ la, kita dɔgɔfuyeba kɔnɔ. O kanma, ne selen kita, n'sera kamarake baraka taa n yere kofe a

ye. A yà jira n na ko n be se ka bakurunbasan ke kɔ de kafisa n ma. Nka, wari tun te ne kun o waati la.

Tipɛ la marisikalo Jekabaara kalannye ne lafaamuya fen caman na. A dun sɛbennɛn be Jekabaara kan ko sɛben don min be bɔ kalo o kalo. Ne ka jate la, mɔgɔ ka kan kà ke cogo bɛe la walasa kà sɔrɔ kà kalan kalo o kalo. Nô kera i be Kunnafoni haali. Ne tâ dɔn ni nbɛna la jini minnu ke nblu be jekabaara kɔnɔ ka ban, barisa n'ka bɔko kalanta ma caya a la fɔlɔ. N kɔni b'u fɔ. Fen min ye dunkojugu kebagaw ye faso wari la, ne tâ fe an ka kuma olu kan kosebe. Nô bora

yen, aw ka jenajew kene fana sigi : ntentenw ; ntaalenw ; ani kuma kɔrɔ dogonnenw.

Jekabaara sebenbagaw ni foli ka kan dɛre, barisa u ka baara bâ jira kân ka kan fɔta fana be se ka seben ani kâ labaara. O bâ ke balikukalanden ka dalilu ntuloma de ye. Aw ka kene do dayelen an balakaw fana tɔgɔ la, barisa a be fo ko : ce kelen jenye mɔgɔ kelen jenye ga ni dugu ani jamana bɛe de ka bɔnɔgɔla sannayelen ye. Muso de yan ba ye ; ale de yan furumuso ye. Awa, ale de yan denw ba ye fana.

Ne ka foli be ka se aw bɛe ma.

Mamuru Sidibe
Ka bɔ Murugula (Kita)

Kunnafoni gelen Musomanin dɔ karɔgeleyafagara Narena

Narena ye dugu ye min be Kangaba mara la, Kulukɔrɔ kafo fe. A ni Bamaké ce ye kilometere 90 nɔgɔn ye bayansanfe.

"Nin nɔgɔn ma deli ka ke Mande yan".

Nin tun ye maa caman kumakan ye Narena den in fagaliko la, min si tun te teme san 4 hake kan.

Karidon, feburuyekalo tile 1, san 2004, nô benna seliba don ma Mali kɔnɔ. Sagafagaw bannen Narena, nege kanje 16 (16 heures) waati, Yaya Kone min ye kolasi baarakela ye Narena, n'u be bɔ Kolɔnjɛba kafo dugu dɔ la, a n'a furumuso Ajaratu Kone bora a kalama ko u denmusonin Worokayatu Kone tununen. O yɔrɔ bɛe la, Yaya Kone wulika ka yɔrɔ be ke a sennɔye ka dɛse, den in ma ye. O Kelen, u sɔrɔla ka taa dugutigi ni komini jemaaaw ani fangaso maaw ladɔnniye u den tununiko la. O yɔrɔ bɛe la, dugutigi ye yamaruya di dunun ka gosi. O kelen, Narena ce ni muso ani denmisew ni makɔrɔw bɛe ye nɔgɔn sɔrɔ jiriba kɔrɔ. O yɔrɔ la, bɛe tun be ka a ta fɔ denko in na. Maa caman

yere tun yà damine ka polotigimaaaw bisiki a ko la. Janko an file merisigi kalafili min waati la nin ye kerenkerennenya la, Narena komini jemaa Nuhun Turawele.

O siratige la, Jekabaara sebennikela dɔ ye taama ke Kangaba ni Narena. Taama ninnu daminenya marisikalo tile 22 san 2004, ka taa bila a tile 24 na, ani awirilikalo tile 8, san 2004 ka taa bila a tile 10 na, walasa ka maaw bɔ kunpan na den in fagaliko la. O hukumu kɔnɔ, an sera maa bisigilenw ma, minnu minelen be ka taa u datugu kasola Kangaba ani tipeni donna maa minnu kun nblu ye den fagalen in somaaw n'u demebagaw ye, walasa u ka Kunnafonijelen dan ma waleya in kan. O tuma, fanfila bɛe maaw ye minnu fun ye, a yolu lamen : Eli Jalo min ye maa bisigilenw ka jemaa ye ale nî je nɔgɔn ye minnu fɔ, olu file : Ale ka fɔ la, den in tununa seliba don wuladanin fe, maaw bora ka a jini ka dɛse. Ntenendon, ci bilala Narena n'a lamini duguw donsow ma. O yɔrɔ bɛe la, dugu 18 donsow

ye nɔgɔn sɔrɔ yen, ka dugu lakoori, maa te don, maa te bɔ. O waati kelen na, dugu filankuluw (karew) bɛe bɔra ka fara donsow kan. U ye ntenendon tile bɛe lajelen ke ka den jini, a ma ye. Ntenendon tile binnen kù duguje tarata la, nô be ben taratasu ma, pagan fana nana k'u bâ fe k'u seko ke denko in na. Nka, olu yà pini cew fe ko bɛe ka don so kɔnɔ, ko olu ka pagantulon te ke ce si jena. O kuma fɔlen paganw fe, Narena ce bɛe lajelen sira so kɔnɔ, maa si ma bɔ kenema. Eli Jalo ka fɔ la, dɔw donna ni lagötineye y'u bolo walasa kò ke sugunekelan ye. Sabu a tun te ku maa la hali ka i je bɔ wofe ka kenemaman kajé ni nɔgɔn tun ma o tigi ni dije fara. U ye taratasu kò cogo la fɔ ka taa tarata dugu je. Dugu jelen, nege kanje 10 (10 heures) waati, u ye filen fiye, ko donsow ye den su ye kungo kɔnɔ yɔrɔ la min ni dugu ce be kilometere kelen nɔgɔn bɔ. N ka Eli ka fɔ la hali bi, sanni den su ka ye, dugu maaw ni zandaramaw ye dugu fan

A 15 beje 10 man tam

jn 3 nan to

bëe yelema-yelema, ka maasisow ni solankolon ani këlonjimaw ni jintaw bëe laje, ka fard kaburdo ni yoro werew kan. Den su yelen, jama bora fan bëe ka nd su in laje.

Eli Jalo ka fo la, ciden bilala dëgotorë gindo ma, ko a ka na den su laje ka maaw bo kunpan na. O nalen ya jira ko den tununa don min, ka ma faga o'don. Sabu na fagalen tun bëe o don, taratu tun ba sëro a su ye tolili damine O lajeli bannen, u taara den su don. O bannen, jama jënsenna bëe taara i ka so, ale yere taara a ka damuboyoro la. Waati damadë o kë, zandaramaw taara ale mine k'u ka taa a ka so. U selen yen, u tilata ka ale ka dukonçosow bëe laje. Hali ale muso ka munitulubara, u yo bëe laje. U ma fan ye tuma min, u sërola ka fo ko ale minenen. A y'u jaabi ko n minenen mun na?

U fana ya jaabi, ka minekun ye denko ye. O këfe, u sërola ka taa ni a ye Kangaba, ka a datugu kasola. Eli taalen ko, o wolola maa caman mineni na minnu ye : Beliya Jalo, Hamala Sise, Hamadi Diko, Hamadi Jalo, Sidi Jalo, Fuseni Bari, Heyiba Jalo, Umu Jalo, Seku Jalo, Namankolon Keyita, Adama Külbali ani Fatumata Ba. Nin maa ninnu bëe minena ka taa u datugu kasola Kangaba, ka u bila yen kiiritigela ka bolo kan.

Jininkalikunfölow kelen, Eli ka fo la, maa 10 bilala, ka a to to maa naani (4) ye, nölu ye : Eli Jalo, Hamala Sise, Umu Jalo, Fatumata Ba ye.

Eli ka fo la, Narenakaw ye u sinsin min kan ko ke ale minekun ye, ko ale ye den in joli sama kd bo ke binjalan na ka di a ka misiw ma walima ka a ke ka u sëgo walasa u be bugun kosebe. Eli Jalo ko a ka kumalaban na, ko ale ni Narenakaw ka nin te denkokelé ye, ko ante i fe kele don. Nëntë, ko waleya min këra ale la, ko ni denkokelé tun don, ko olu tun te ke abada. Ka da kan, k'u taara a ka misigenna mine ka bo a ka misiw la kungo këna ka

jn 10nan

misiw dama to yen, yali o ni denfa gako be sira kelen na wa ?

Kamasorë ale ka misigenna ni misiw taara kalo saba kd kon nin ko in jne.

An be se ka min fo maaw ye nin ko in na, o de ye ko a ko damine ni sisani ce, jösen foyi ma soro tije yere la ko maa ninnu nö be ko in na fölo, wa u yerew ma u kun don jalaki këro fölo jininkalifölow senfe Kangaba kiiritigela jekoro.

Mun na dugumaaw ye Eli Jalo bisigi ?

Jininkaliw ni segesegeliw senfe, a semencyara maa dëw fe ko u ye Worokiyatu Kone ye. Eli körökë muso Umu Jalo bolo selidon wuladanin fe. O maaw la, Narena komini meri Nuhun Tarawele dagoke denmuso Fatumata Tarawele bo la, min si te teme san 12 walima 13 kan ka fara Yaya Kone kan, ale min ye den yere woloza ye.

Ale ka fo la, ale na furumuso Ajaratu Kone yelemand Narena baara sira fe ka waati jan ke ka soro a te Umu Jalo ka denko cogo dën Nka nin don, u neqannen be den in jinini na tuma min ale ye den do ye Umu Jalo këla ka dulëkiba jigin o kunna.

Nka ale ma a dën cogo si la ko ale yere den don. Seereya sira fe, u masurunamaa dë fana ya jira ko dongsow kelen ka den su ye kungo këna, u kelen k'u ka sarakamugu ci, ko fulake dë bora tu la ka sin donsow jolen na. O kelen, u yo mine ka taa n'o ye zandaramaw fe yen. U sellen yen, a fo cogo la, o ya jira ko Eli ye den su di a ma ko a ka taa o fili kungo këna. Dëw fana ka fo la, Eli denke dë ya jira a la ko na ye den faga, ko a be taa a fo zandaramaw ye.

Hali sa, kunnafoni dëw ya jira ko Eli Jalo ye sefawari dërome ba naani (4 000) di a terike Namankolon Keyita ma a ka selimusakako kama, ka tila ka a fo a ye ko u bëna baara dë ke, ka ka u deme o la, nö jne na ka te sëgen ya

ne la fo ka taa se a ka saya ma. Eli masurunamaa dëw ka fo la, Eli Jalo furumuso Fatumata Ba ye bataki ci u ka misigenna ma ka o ladõnni ya ko o ka boli ni misiw ye ka taa Lagine, ka jatigike ye maa faa, ko a minenen be faamaw fe ka taa na ye Kangaba kasola. A fo cogo la, meri ni zandarama ce kelen taara Eli ka misigenna minë ka taa ni o ye Kangaba. U selen yen, misigenna nininkanen, o jonna a la ko Fatumata Ba ye bataki ci alien ma. Ninnu ni a neqannen caman de ya to Narenakaw ye. Eli Jalo na jenqonw bëe lajelen minë denko in na.

Fulaw ni Narenakaw ka sigi neqonya sira neqolen be bi kosebe

An be don min na ina fo bi, fula o fula sen yera denko in na, Narenakaw ya bëe gen ka bo u ka dugla. Ka da kan, k'u ni maafaalaw te se ka sigi neqen kan yero kelen na.

Kësili : An ya ye kabako "kunnafonisëben" këna ko, Worokiyatu Kone fagabagaw ye a musoya tige, ka a jne kelen fana bo. An ka jininkaliw senfe, dëgotorë gindo ye o kuma nkalontigya.

Kunceli : An be don min na ina fo bi, maa ninnu ka kiri ma tige fölo, nka Narena ce ni muso bëe lajelen dusukun kami kamilen don kiribulon këna tolili ye. N ka o bëe na ta, an be se ka min fo ka fara ninnu kan, o de ye ko dugu maa koloqelen dëw ko nin te waleya in si jne fölo ye ka ke Narena dugu këna. Nin ya si jne saba ye, wa a bëe yere ye dunanw de ye, dugulenden fan si ta la. O temenê kë, a bëe be ke seliba don wuladanin fe. O hukumu këna, a fo cogo la, dugulen dëw sen be ko in na, n ka maa te Narena min be se ka u tögë fo i da la ka o ni si jan ta. N ka u bu yere dën. Sabu, an ka kumadonsow ko "gundo dogolen dënbaga ye Ala ye". O tuma, Yaya Kone ko ale b'a yere kalifa an ka jamana kiribulon ma nin ko in na.

Yusufu Fane

Ntolatan sariya tan ni wolonwula

Farikolojenajew bæ la, ntolatan de kolo ka girin n'a bæ ye. Wa fana, ale de nəfemankanw ka ca. I n'a fə farikolojenajetəw, ntolatan fana basigilen bæ sariyaw de kan. Sariya



Bekayi Trawele

tan ni wolonwula don, a ka kan ntolatan kanubaga bæ ka minnu dən. O de kanma, an bəna an da don u la kelen kelen, nin yərə in na, aw ye.

Sariya folə : Ntolatankene lahaw :
Ale ye selekə-fila-jəlen ye. A jəjanw hake b'a ta metere 90 ka se metere 120 ma. A jəsurunw hake b'a ta metere 45 ka se metere 90 ma. Cəmance kooli kənə hake metere 9,15 ye.

Ntolatantənw kelen-kelen ka kənə yamaruyalen (sirifasi de reparason) ye metere 16,5 ye (jəsurun na). A jəjan ye metere 40,32 ye.

Jəkoləsila ka daga kənəna hake ye metere 5,5 ye jəsurun na. A jəjan ye metere 12,32 ye. "Penaliti" dayərə ni jəkoləsila jəyərə ni nəgən cə ye metere 11 ye. Kurudonjə kənə hake ye metere 7,32 ye. A kundanma janya ye metere 2,44 ye. Ale ye bələ fila jəlen ye ani kundabolə kelen senfə, min panparan hake te temə santimetre 12 kan.

Bələ ninnu ka kan ka jəya. Awa, jo ka kan ka siri ka ja bələn la. A sircogo man kan ka jəkoləsila ka baara tijə a bolo cogo si la.

A ka kan a ka faamu ko ntolatan taabolo kələsibaga (aribitiri) bæ se ka ban ntolatan keli ma, n'a y'a kələsi ko

taabolo dəw bæ se ka siga don ntolatan jaabiw la : ntolatankene labənbaliya ; sanba nali ka ntolatankene bæ ke ji ye.

Sariya filanan : Ntolahalaw :

Ntolahalaw ka kan ka ke kooli barama ye. N'a y'a sərə kamalen jolenw ka ntolatan don, nimərə ye 5 ye. A kənə bonya hake b'a ta santimetere 68 ka se 70 ma. Ntolatan daminewaati, ntola girinya hake b'a ta garamu 410 na ka se 450 ma.

Sariya sabanan : Cədenw hake :

Cəden 22 de bæ u kəgə da nəgən na kənə kan, nə ye ntolatantən kelen kelen bæ ka cəden 11 ye. Awa nənabilabagaw ye 7 ye u kelen kelen bæ fan fe. Degekaraməgəw bæ se ka nənabilali waleyə waati bæ. Nka a bæ ntolatan taabolo kələsibagaw bə a kalanma fələ. O la, nənabilabagaw bə don kənə kənə, ntolatan lajəwaati də kənə. Nka, o kə sərə a bə taa min nənabilali, o bərə kənə kənə ka ban.

Sariya naani : Cədenw masiriw :

Cədenw donfiniw je kuleri ka kan kə to ntolatan taabolo kələsibaga b'u dən ka bə nəgən na. A bə se kə jini bisimila ntolatantən fe, a ka a ka cədenw donfini yeləma, n'a y'a sərə olu ni nabagatən cədenw ka donfini new ye ni ntolatannaw taw je te se ka ke kelen ye. Ntolatan taabolo kələsibagaw ka donfiniw je suguya bə u sako la bi bi in na (fələ finman dərənpe tun don).

Sanbara ninmaw donni te diyagoya ye ntolatana kan, nka nafa bə u donni na. Jinw janya hake bərebennen don. Ntolatan taabolo kələsi baga bə se ka jinw janya ni u kəcogo segesəge ka kənəntolatan damine je. U man kan ka ke baasi lase fenw ye. Finijukərəfiniw fana je kuleri ka kan ka ke donfiniw nəgən ye.

Sariya duuru : Ntolatan taabolo kələsibagaw :

Kələsibagaw bə sugandi ntolatanw bæ kanma. U ka baara kətə tigitiye sariyaw labatoli ye ntolatankene kan, ntolatan senfə, ka kənə a je ani a kelen kəfə. A mana a bila yoro o yoro

la wuli te ke ka bə o kan. Ntolatan taabolo kələsibaga bə se ka ntolatan lajə waatinin kənə, walima kə kuncə pəwu yəre ni a y'a sərə kow taabolo b'o wajibiya. Ntolatan taabolo kələsibaga ye waati jatemebagā fana ye. A bə se ka də fara ntolatan waati kuntaala kan, n'a y'a sərə ntolatan lajəwaati hake cayara. Ka fara nəngilisəben je nəremuguma ni bilenman kan, seben je jugujima fana bə ntolatan taabolo kələsibaga bolo, min bə kəneya tigilaməgəw yamaruya ka don kənə kənə, ka na demə don cəden bananen də ma.

Ntolatan taabolo kələsibaga bə cədenw ka sebenw ni u donfiniw



Ntolatan te kufeko ye

segesəge ka kənəntolatan damine ni. Ale de bə ntolatan jaabiw seben ntolatan dantigesəben kənə, ani ka nəfəlisəben fana ke ntolatan taabolow kan.

Sariya wərənan : Ntolatan taabolo kələsibagaw deməbagaw :

Olu ka baara ye ntolatan taabolo kələsibaga demeni ye a ka baara la. Darapow bə u bolo, u bə minnu yanga walasa ka sariya kəfentolatanbagā (Orize) kofə walima ka fili were kofə u bərə min kalama. Olu de bə bololafili kebagatən jira walima ka dogodogonin jira walima penaliti tanbagatən.

O bəe kofə, jəyərəba were bə u la, nənabilaliw senfə, nə ye cəden donta ka donfiniw segesəgeli ye.

A tə bə bəko-nata kənə
Nin ye Bekayi Trawele ka
nəbilə ye, ka bə ntolatan
sariyaw gafe kənə

je 5nan to

bolo ko a ko donna mali kōnō ka ban, an bā dōn kōni ko fen don min kun bē an kan. O de kanma, wulikajō caman kera an ka hakili lançant tigilamaaw fe, walasa kā ko kélé ka sōrō a ma kumbō fōlō. O de kanma, san 2004 novanburukalo tile 7 don, nəgonyeba kera a ko kan santiri jaliba la, Bamako, walasa ka bēe lafaamuya a baasiw kan. An kōni be Ala deli a ka fijé jugu in kumbō an ka jamana kan, nō ye « OGM » nā baasiw ye

Siyaka Dunbiya

Laseli

An bē Jekabaara feerebagaw hakili lajigin ko Jekabaarā hake minnu bē lase u ma, kōlu bē feere je de la.

U man kan ka juru si don min kuntaala bē temē kalo kelen (1) kan.

U ka kan ka feere nəfōsəben ni sannifeere lahalasəben ci, ka fara warihake kan, Jamana baarada la kalo o kalo. O aderesi ye nin ye :

Jamana baarada, Seki Zayedi təgəla siraba.

Bonda nimərə 2694, ka nəsin Sotelma ma, Hamudalayi kin na.

An dalen bā la kān je nəgōnw bēna faamuyako puman sōrō nin laseli in na. O kanma u ni ce u ka baara nəgōnya puman na.

**Jamana baarada feereda
baarabolo nəmāa.**

Daneli Jalo

je 12nan

Bakōrōn ni suruku ka nəgōnkunben

Sogomada in na, bakōrōn taara yōrō jan. A taara ka a yōrō janya so la kosebe, a kelenpe. A tun be ka bin nerinw jini a ferema sirada la, a hakilila tigelen, kasōrō a sigilen te ni baasi foyi sōrōlō ye. Yōrōnin kelen, suruku nana i jō a nəkōrō. A siranna kosebe. A ye bindun dabila yōrōnin kelen, ka a darō bin yere tun ka bō a da. Suruku ye bakōrōn laje ni a je jugu ye, ka a nininka ko :

Dōgōn bakōrōn ! I yōrō janyara so la bi kosebe de, i jo te o la ! Nin dun ye i sōrō cogo di ?

Bakōrōn yereyeretō ye a jaabi, hali a kumakan tun te men kosebe, ko :

Nkōrōmuso suruku, i ma foyi fō ni tijé te. Kōngō tun bē ne na kosebe, awa, ne ka negetoya de ye a to ne tununa nin cogo in na.

Suruku yelela, ka a fō bakōrōn ye ko :

Baasi te. I be tijé saba dōrōn fō ne ye, tijé wulibali saba, ni o kera ne bē i bila ka taa.

Bakōrōn ye i miiri waati jan kōnō, a ye a kunkolo basigi, a ye a kunkolo biri, ka sōrō ka i kanto suruku ma ko :

Nkōrōmuso suruku, ni e ye i kōsegin bi kungo kōnō, ni i ye a fō mōgō o mōgō ye ko e ni ne benna, kō i ye ne bila ka taa kasōrō i ma fen ke ne la, mōgō si te da i la !

Suruku ye i miiri waati kōnō, ka a kun firifiri, ka a ka sōnni jira o tijé ma, ka a fō bakōrōn ye ko :

Ówōn, o ye tijé ye. I ka tijé filanlan dun ?

Bakōrō ye miiri gelen damine ko kura. A ye a kinibolo file, ka a numanbolo file, kā ke i nā fō a be ka fen dō jini bintuninw kōrō, ani jiribaw sanfe. Yōrōnin kelen a yā yerēmine k'i kanto ko kura ko :

Nkōrōmuso suruku, ni ne fana yē n kōsegin dugu kōnō ka tā fō ba tōw ye ko ne ni e kubenna kungo kōnō, ko e ma fen ke ne na, cogo si la u te da ne na.

Suruku dabolo yelemana waa-tinin kōnō, i nā fō nā tun bā fe kā ka lahidukan bō a ma. A labanna k'i kanto bakōrōn ma ko :

O fana ye tijé ye. I ka tijé sa-banan fō sa !

Bakōrō y'a banban a yere kan walasa ka tijé bēe la geleman fō sa. A ko surukuba ma ko :

Tijé na, kōrōmuso suruku, n'i yē kētō ye ka nin waati bēe ke ka sōrō i ma ne dun, o bā jira k'i y'i fa sogosu dō de la sanni i ka se yan !

Suruku y'a jaabi ko : "Dōgō bakōrōn, e yō don cogodi ? Tijéna n nātō benna ni sagaden tununen dō ye kungonin dō konō. N yō de dun ka n fa !

Bakōrōn dāra a yere la ka tā fē. A ye suruku tō lasiran ni nin kumaw ye : "Ne bā dōn, barisa n je bē sagagenna fila diminen nātō la, u ni u ka marafaw ni berew. U bē ka na i nōfē k'u mōnebō i la !

Surukuba jatigelen teliyara ka kanben fō bakōrōn ye ni nin kumaw ye, ka taa :

Dōgō Bakōrōn, boli i ka taa dugu kōnō. N'i ni sagagenna dangatō ninnu benna, i bā fō u ye ko suruku si ma temē yan fē. K'u ni n balimake nsionsan kā jenabō.

Suruku yō fō ka tunu bakōrōn na. O fana y'i ke yerekun jiniboli kan fo dugu kōnō.

Namake Jənbana ko Sidiki

Jekabaara

Lablikuntigi Sében nəkulū kuntigui
Tumani Yalam Sidibe

Sében nəkulū
Yusufu Fane

Bakari Sangare

Usumani N Tarawele (CMDT)

Tumani Yalam Sidibe

nəgenw kēbaga

Yakuba Jara ko Kayi

Labenbagā əridinateri la

Worokiyatu Sō

Baarake nəgenw

CMDT World Vision - Ofisi Nizeri -
Ofisi iri - OHVN

Hake bēta : 11000

Batakisira : 2043

Negejurusira : 229 62 89

Jamana baarada -Seki zayedi təgəla
sira- Hamudalayi kin - Bamako